

SAKSUTGREIING

Aurland fjellstyre

Møtedato: 13.06.23

Stad: Fjordsenteret

Sak 15/23. Opplegg for reinsjakta 2023 - samjaktavtalar, ordninga med dagskort, jaktlag og bruken av fellingsløyva på Broksfjell

Saksopplysning:

Samjaktavtalar:

Med samjaktavtalar meiner ein fyrst og fremst avtalen mellom fjellstyra og private jaktfelt i sone 2 Nordfjella villreinområde. Med så låge kvotar som det er i Nordfjella villreinområde har det fungert godt med gode samjaktavtalar mellom kommunane, det er lite jegerar i fjellet.

Me har og hatt samjaktavtalar på Broksfjell både mot Ulvik og nordover mor Raudafjell, men me ser ikkje på desse som så viktige no når kvotane er så store på Hardangervidda.

Dagskort:

Ordninga med sal av dagskort på villreinjakt har Aurland fjellstyre hatt i nokre år no. I fjor var det 29 søkjarar på lista og året før 23. Ordninga gjer at fleire som ikkje får fellingsløyve på ordinær trekking har sjansen til å koma seg på reinsjakt.

Jaktlag:

Aurland fjellstyre hadde i fjor dispensasjon frå bestemminga om jaktlag i forskrift om jakt, felling, fangst og fiske. Det gjer at ein kan halda fram med å laga jaktlag med inntil 5 jegerar viss det er 2 eller fleire fellingsløyve i jaktlaget og inntil 3 jegerar kan gå på same fellingsløyvet. Så må ikkje den som har fått løyvet vera med i fjellet, men andre på jaktlaget kan ta det med seg.

Bruken av fellingsløyve Broksfjell:

Heile valdet på Broksfjell HA 28 får tildelt over 15 fellingsløyve for jakta 2023. Eg har vore i kontakt med dei andre jaktfelta og me har vorte samde om å dela ut heile kvoten. For Aurland fjellstyre betyr dette at ein får 4 løyve på Broksfjell i år.

Vurdering:

Samjaktavtalar:

Samjaktavtalen mellom fjellstyra og private jaktfelt i sone 2 Nordfjella villreinområde. Med så låge kvotar som det er i Nordfjella villreinområde har det fungert godt med gode samjaktavtalar mellom kommunane, det er lite jegerar i fjellet. I fjor byrja avtalen mandag 29. august og varte alle dagar ut jakta til 20. september. I år er det naturleg å velje mandag 28 august som startdato på denne avtalen.

SAKSUTGREIING

Aurland fjellstyre

Møtedato: 13.06.23

Stad: Fjordsenteret

Sak 15/23, side 2.

Dei avtalane me av og til har hatt mellom Broksfjell HA 28 og Ulvik Hardangervidda villreinområde og Broksfjell HA 28 og Raudafjell villreinområde ser me ikkje nokon grunn til å gå inn for i år. Kvotane på Hardangervidda er så store at det er nok løyve til å ta ut dei dyra som er nødvendig.

Dagskort:

Ordninga med sal av dagskort på villreinjakt har Aurland fjellstyre hatt i nokre år no. Den gjer at fleire som ikkje får fellingsløyve på ordinær trekking har sjansen til å koma seg på reinsjakt. I fjor vart det sett av eit fridyrsløyve til ordninga og jeger fekk berre ha løyvet med seg ein dag, så var det ein dag utan att løyvet var med til fjells, før neste på lista fekk tilbodet. Slik fortset ein til fellingsløyvet er skore. Prisen vart sett til 500.- kr dagen + prisen på fellingsløyve ved felling. I år vil det bli eit reint bukkaløyve.

Jaktlag:

Me har hatt dispensasjonen frå forskrifta om jakt, felling, fangst og fiske når det gjeld jaktlag på statsalmenning. Det betyr at den som har fått fellingsløyve ikkje må vera ned i fjellet på jakt. Eit fellingsløyve skrive ut på statsalmenning er i forskrifta personleg og kan ikkje overdragast til andre utan godkjenning frå fjellstyret. Her er teksten på jaktlagskontrakten som me har nytta sidan 2017:

Medlemane i jaktlaget kan nytta korta til kvarandre. På grunn av den spesielle situasjonen med skrantesjuka i Nordfjella, lempar Aurland fjellstyre på restriksjonane på jaktlag og overdraging av fellingsløyve.

Aurland fjellstyre tillet at jegerar som har fått fellingstillatelse på villrein kan organisera seg i jaktlag på inntil 5 personar. Aurland fjellstyre tillet og at inntil 3 jegerar organiserer seg i jaktlag når minst ein av jegerane har fått fellingsløyve. Fellingsløyva skal berast med i fjellet av den som er ansvarleg den dagen. Det er og høve til å overdra fellingsløyve vederlagsfritt direkte frå jeger til jeger etter godkjenning av fjellstyret. Kvar einskild fjellstyremedlem og oppsynet til fjellstyre får fullmakt til å godkjenna slik overdraging.

Viss Aurland fjellstyre vil fortsetja med denne fleksible ordninga, så må me senda ny søknad om dispensasjon i år.

SAKSUTGREIING

Aurland fjellstyre

Møtedato: 13.06.23

Stad: Fjordsenteret

Sak 15/23, side 3.

Bruken av fellingsløyva på Broksfjell:

Broksfjell HA 28 får tildelt over 15 fellingsløyve for jakta 2023, dette skal fordelast på 4 jaktfelt og statsallmenningen får 4 løyve. På Hardangervidda vert det berre delt ut løyve på bukk 2,5 år eller eldre, det kan ikkje fellast kalv på desse løyva.

Framlegg til vedtak:

Samjaktavtalar:

Aurland fjellstyre går inn for å vidareføra samjaktavtalen mellom fjellstyra og private jaktfelt i sone 2 Nordfjella villreinområde, med måndag 28. august som startdato.

Dagskort:

Aurland fjellstyre går inn for å vidareføra ordninga med dagskort på villreinjakt og set av eit bukkaløyve til ordninga. Ordninga skal lysast ut på heimesida til fjellstyret med søknadsfrist 1.juli, trekninga blir føreteke administrativt på fjellstyrekontoret. Prisen er 500.- kr pr. dag + prisen på fellingsløyvet ved felling.

Jaktlag:

Aurland fjellstyre går inn for å vidareføra den fleksible ordninga med med jaktlag på statsallmenningen som me har nytta dei siste åra, med denne teksten:

Medlemene i jaktlaget kan nytta korta til kvarandre. På grunn av den spesielle situasjonen med skrantesjuka i Nordfjella, lempar Aurland fjellstyre på restriksjonane på jaktlag og overdraging av fellingsløyve.

Aurland fjellstyre tillet at jegerar som har fått fellingstillatelse på villrein kan organisera seg i jaktlag på inntil 5 personar. Aurland fjellstyre tillet og at inntil 3 jegerar organiserer seg i jaktlag når minst ein av jegerane har fått fellingsløyve.

Fellingsløyva skal berast med i fjellet av den som er ansvarleg den dagen.

Det er og høve til å overdra fellingsløyve vederlagsfritt direkte frå jeger til jeger etter godkjenning av fjellstyret. Kvar einskild fjellstyremedlem og oppsynet til fjellstyre får fullmakt til å godkjenna slik overdraging.

Aurland fjellstyre går og inn for att ein sender inn søknad til Miljødirektoratet om ny dispensasjon frå forskrift om jakt, felling, fangst og fiske om reglane for jaktlag.

SAKSUTGREIING

Aurland fjellstyre

Møtedato: 13.6.23

Stad: Fjordsenteret

Sak 15/23, side 4.

Bruken av fellingsløyva på Broksfjell:

Aurland fjellstyre går inn dela ut alle 15 fellingsløyva på Broksfjell, då får statsalmenningen 4 løyve til fordeling på søkjarlista.

Vedlegg:

- Samjaktavtale mellom fjellstyra og private jaktfelt i sone 2 Nordfjella villreinområde 2021.
- Jaktlagskontrakt Aurland statsalmenning.
- Dispensasjon frå bestemminga om jaktlag frå Miljødirektoratet.

Aurland 10. juni 2023

Håkon Øydvin
Fjellopsyn Aurland fjellstyre

